

翠

娛

閣

近

言

翠娛閣近言自題

蓋聞食神仙而蛻質愚明不廢昆蟲觸真歇而縈
情癖嗜猶傳聖哲今而古處用與時違深慙方鑿
之圓投奚啻越轅之燕駕不佞貧不撤學賤猶好
書因螢破暗希明已在兒時藉往開來借照更慙
壯日敢云廿一史從何說起竊意十許年念常在
茲所苦耳目之限人兼慮日月之迫我四壁蕭然
鄴架一身罄矣邊笥問才頗纖入世成忤誦法周
孔者遷固別爲史學尊信朱程者屈宋薄爲文人


蜀日易驚千璞難辨心旌搖于曹棄花筆閣于遇
朕豈其古道復彰遂冷死灰欲焰輕樹土鼓思雜
响于蕭韶浪吐蛩音志聯聲于鸞鳳聊以抒其一
得寧云直軼于秋願贊同人欣焉教我

岢

甲戌中秋錢塘陸雲龍雨候書于翠娛閣中

萃娛閣近言

甲戌春夏燕



卷一 詩

古樂府

君子行

結客少年場行

相逢行

古別離

胡無人

飲馬長城窟

羽林郎

采葛曲

秦女卷衣

綠墀怨

水仙謠

春夜曲

夜夜曲

秋夜長

夜度娘

江南曲

五言古詩

詠懷二首

惜捐

幽人

田家

旱

雨

凌河

清明

七言古詩

燒香曲

老將行

登州行

秦晉歌

遲暮行

西陵曲

邊風行

秋旅行

春暮曲

五言律詩

春望

對嬰

夜步

夜眺

行樂詞三首

憫亂

感秋

雨

宿野市

曉入西湖

雨湖

五言排律

病鸚鵡

七言律詩

感懷五首

傷春

雪

初夏感懷二首

池上寒月

廢苑

野坐

野泊

送劉心蓼師歸楚二首

七言排律

江邦玉貽我草堂集且期我同遊苦熱未能也偶批閱聊書此相贈

五言絕句

少年二首

大堤女二首

綠墀怨二首

古怨詞

讀趙淵子子夜秋歌隨作

漱雪橋

以下橫山三十景

蓄翠泉

鹿籬

扇岫

竹浪居

空蘊庵

香夢窩

掛屐寮

雲髻軒

巢松閣

雲肆

悠然見南山齋

留屨橋

卻月廊

浴硯溪

泚筆壘

醉山樓

借隱處

藏山舫

霞外亭

綠香亭

逸林

艷雪室

豹躍泉

卷綃閣

蔓欄

香霞軒

擁書樓

玉峽泉

釣麓巖

六言絕句

雨窓靜坐

花下簡書

溪頭試茶

雲際埋峯

松巔漏月

梨魂泣露

七言絕句

柳枝詞四首

西湖漫興五首

秋曉二首

夜泊

宮詞五首

擬艷

偶憶二首

詩餘

雨中花

虞美人

玉積春

踏莎行

如夢令三首

翠娛閣近言卷一

甲戌春夏燕

錢塘陸雲龍雨侯園題

仁和陳燮明若時甫評

男陸敏樹生生甫較

古樂府

君子行

旻天崇。狡獪。九有失端軌。大言怖公卿。藻行弋朱
紫。但問寵榮逼。遑惜肺腑死。狂瀾忽復砥。乃見古
人士。撝謙固所樂。寧澹良自矢。把臂揖周孔。賁心

老文史俛仰愧作清出處浮雲似豈日作世型吾
志固爾爾

結客少年場行

勝冠尚氣誼買客盡燕越千金等泥沙杯酒忘日
月星河指盟誓願言共存歿禍患忽相構誰復問
顛蹶金尊交情賤遇險道義歇悔是從前疎肺肝
情輕揭

相逢行

驚沙翳落日衰楊散如雨放目行者稀荒村且淹

寓主人炊脫寒濁酒開草具有客驅車來風塵
衣屨自言從燕至時事良可怖狗監有夔龍鴻
多鴛鴦刺奸秋毫密黃金暮夜度薪桂不足憂
踟躕那得住夫君來胡爲無爲郭隗誤故園倘
可耕歸與蚤宜賦

古離別

驅車遠服賈淚濕道傍土去去馬足強歸期
或可數衣食固所急寂歷良足苦遮莫猛奇
羸春愁滿眉嫵

胡無人

胡無人微茫白草連。荆榛墩堠經時烟。不蠹脫來。
鐵甲生埃塵。關門老卒事耕稼。牛羊蔽野如雲屯。
輓輸漸減黎庶樂。輕徭欲頌聖主仁。吁嗟安得
今胡無人。

飲馬長城窟

飲馬長城窟。窟淺水泉竭。長城千餘里。亘若白虹。
發杵築勞當年。界限華夷揭。如何胡笳聲。一夜度
明月。

羽林郎

寶劍珊瑚裝。金鱗甲吐光。朱裳火初浣。白羽繡爲囊。
米笑侏儒索。名因狗監揚。摠衣侍長樂。執戟列明光。
下直歸何暮。青驄蹴夕陽。

采葛曲

薄言采葛。苧蘿之陽。緝之績之。拮据不遑。言念懷人。
道遠且長。將欲遺之。苦莫將。

秦女卷衣

自入渭陽宮。荏苒三十六。守宮臂上鮮。鬢髮覩非。

宿輕衫足清淚。班君湘山竹。歷久不堪衣。置之玳瑁積。

綠墀怨

東風吹淺草。一夜空庭滿。草痕鬱何深。郎情亦何短。故故不歸來。碧苔蔽堦斷。

水仙謠

藕絲織就雲錦裳。輕風颺處菡萏香。明璫的的出驪頰。佩來翡翠生晴光。輕烟掩映芙蓉面。鬢髮如雲壓金鈿。湘山雨歇出新嫵。楚澤波澄流巧盼。江

空水遠不可親。剩有茫茫月如霰。

春夜曲

新柳宿烟烟縷淡。梨花滯月清光慘。帳中百和裊
還歇。几上九微明復暗。錦衾繡出雙鴛鴦。生怕牽
愁羞。獨攬苦心尋夢夢不來。一道曉光窓外撼。

夜夜曲

昨夜月色昏。今夜月色明。昨夜蛩聲悲。今夜蛩聲
清。聲色固有殊。往往關予情。空房靜不譁。寂歷愁
易生。還起立庭除。聽他砌下聲。

秋夜長

壁月穿花流碎影。梧葉紛飛打窓猛。燒殘銀燭恰
初更。埋憂獨把秦箏整。緩撥輕挑曲未調。帳頭香
鴨已烟消。愁眠不惜衣痕蹙。展轉唯聞聲簌簌。驚
他餘夢綺窓明。一點殘蟾透疎木。秋夜長長未央。
恨不在初嫁時歡娛。未劇催曉妝。

夜度娘

避月入花陰。花枝拂衣任乍立。拂花枝。羅襪滿清
露。

江南曲

熊羆
烟水吳王國。繁華自古今。草新香徑色。花散麝廊陰。
蟬翼妍嬌態。烏棲媚巧音。何須若耶女。搖蕩繫人心。

五言古詩

甲戌春夏草

詠懷

弱歲不解事。信此忠義肝。痛哭議天下。扼腕訾衣冠。指顧取功名。侃侃犯其難。天公故摧折。廿載翫羽翰。栖遲槍榆間。言念心欲剜。

其二

一廛城南隅。花竹試經濟。刊繁福善類。振壅出淹滯。魚鳥足娛悅。書史歷年歲。好友偶見過。一壺摘園薺。放言論今古。華燭滅復繼。無端混城市。展轉

嘆匏繫故園。亦咫尺春風自薜荔。

惜捐

賢者去也

作室須棟隆。取材在松栢。雕琢殘其天。松栢非所
憚。矧復迂其材。棄擲不少惜。松栢亦已矣。曷以壯
茲宅。束蒿以爲柱。崩騫不及夕。

幽人

長松立道傍。斤斧乃相阨。神龍滄溟居。綸釣不見
逼。所志陋伊周。何妨老山澤。泉聲濯清夢。明月來
佳客。適情琴一絃。富貴等鳶嚇。廣陵抱遺恨。毋乃

自驅役。

田家

園瓜已抱蔓。棚豈又成陰。日出事耕耘。力勤秀不侵。雨暘更及時。無復縈我心。一枕羲皞間。黃鸝來好音。

旱

乖龍任受鞭。赤日橫中天。浮雲絕四裔。望之飛塵烟。桔槔不厭機。洪河已縮泉。解衣倩神巫。簫鼓何闐闐。原田盡龜裂。苗悴難久延。羣呼謁官府。稽顙

李妙隱集
徒紛然。饑餒固所願。所慮稅不前。

雨

塞北急徵書。江南田欲墟。綠禾方脫土。土焦不可鋤。造化軫斯民。鞭龍起孟豬。怒與祝融戰。列缺驅雷車。喧喧百里震。一雨三月餘。田父呼其兒。耕耨無徐徐。勿懼水没胥。今歲可有儲。徵調得早輸。餘可活妻孥。

凌河

上將志匡復。全軍遼海頭。因流作天塹。控扼在咽喉。

疾杵築勞行役。丹樓霞彩浮。十年支粟富。霜甲盡
貔貅。鼓角喧清晝。雄心敵是求。九重頒賞渥。金繒
答前籌。一夕胡笳兢。投鞭已斷流。徵書五原急。戰
士多逗遛。窮岩歸路絕。匝地橫戈矛。榆關九泥封。
西望不可投。當時勇開疆。豈意繞指柔。所以古方
召。謀國有遠猷。進止酌兵力。遲速運良謀。忍將鞭
馱資。無端資寇讐。

清明

風色淡花光。日濃芳草香。踏青誰氏女。輕縠如雲

揚爲愛蕪徑軟不驚道路長小摘出纖手薄力枝
不傷一道桃李顏爲之減芬芳

七言古詩

甲戌春夏菰

燒香曲

用陳卧子韵

葉尖墜露巧。于緝心怯堦前草。痕濕翠屏鈿几峭。
寒生愁入眉梢欲成泣。寒玉一枝瑩猩紅的的猶。
明舊守宮悶。檢雀爐灰半死朱唇噓。出麝蘭風水。
沉乍炙烟影瘦。迴合紛飛漸相聞。不教輕易散房。
櫳巧勒輕輕籠翠袖。一自深秋悴臉蓮。錦衾雖煖。
不成眠。薄情生怕寒灰似妾貌。驚非始別妍龍涎。
焦盡無多溢。小檠猶將餘藹惜。燼紅還爲熱須臾。

莫便昏然死成魄。

老將行

欲識塗覓伏驥欲折獄需宿吏筋骸雖竭智計深
莫謂衰年便相棄無奈世眼肉無奈世情黷黃金
入幕位上將誰向偏裨起名宿乘利今開釁持重
今退縮矢心不如矢口奇積功那是積貨速膂力
悲看日不同數奇欲向窮途哭。

登州行

聚虎必相牙養癰必虞潰誰令斗城間豺狼紛作

隊一朝失馭。戈甲起大城。小邑臺粉碎。衣冠肉作
道邊土。紅顏帳下供歌舞。積芻如山。器械備藉寇
堪傷爲內侮。嬰城節鎮肝腦裂。守臣城下流清血。
徵兵十萬。蜂蟻屯。謀撫謀勦。爭未決。九重震怒。
出緹騎。誤國庸才。從法吏。羽書百道。促進攻。陸控
水。邀絕飛逝。兵爭幾何時。輸轉幾何資。空城克復。
侈大捷。渠魁海畔猶棲遲。雞連固可畏。豕突亦足
虞。莫言徐市三山去不返。銷戈寢甲來窺窬。

秦晉歌

粉榆屑本地皆赤。老羸盡作溝中瘠。獨餘強梁未
甘死。斬鋒猶活緩朝夕。當時善馭亦易解。牽挈不
得伸其畫。往來飄忽如驚風。火照村村不斷紅。子
女盡隨馬塵去。白骨交交明月中。官軍捧檄力征
戰。賞罰關情身命賤。擊虛避寔賊算奇。中原又苦
戈矛徧。流民倡饑民。和大城完。小城墮。強令嬰城
弱。令逋播。伊洛腥其穢。荆襄受其禍。又復趨瞿塘。
窺益梁。李流豈志在偏霸。堪嗟所過成荒涼。制亂
是何策。盡敵資何方。人謀難問。且問天曷爲乎降。

災毒黔蒼

遲暮行

龔遂清渤海馬援平五溪勉欲致崇勲日月不爲
稽何如高密奮身蚤建旄矯矯如虹蜺柯亭屋角
一枝竹遇則蜚聲困支屋中郎無復在世間枯桐
且向火中哭時遇不逢奈爾何一編猶得寄婆娑
豺狼繞邊盜繞野生民擾擾如飛蛾朝廷一旦
辟之武驥驥老矣力難努

西陵曲

西泠小青常居此

垂虹一道截蒼玉。兩岸虬龍怒相觸。青沉綠遠天
日暗。中有一人在山曲。珊珊麗質橫梅花。青年似
伴白日斜。輕裝照水水仙妬。清吟溪刻堆鮮霞。幽
貞羞學蘇小小。自把丹青貌幽窈。一從歸骨山無
人。簫瑟西風滿寒篠。佳麗由來多運艱。湖波猶爲
起哀湍。難將塊壘覓知己。爛醉西陵第一灘。

邊風行

百二重關留不得。一夜驚沙失南北。嗚嗚寒角斷
續來。狼烽搖漾若無力。輕綃碎擘不堪衣。九月深

聞音信違。羽檄又聞催。出戍愁携寒骨。向金微。

秋旅行

冰紋細裂。寒雲薄辭。林病葉如飛。鵲砧聲萬井。忘
昏明。白紵衣輕。不堪著。鄉關四望。阻雲山。幾載長
征。未得還。刁斗無聲。霜月冷。任教華髮不成斑。

春暮曲

蒼苔點點凝紅血。柔綠沉沉香韻絕。繡堦草色青
更老。白綴湘簾飛絮雪。眼前光景已如許。一片愁
心寄。羈旅。靡蕪不爲感。王孫空自惜。茸滿江緒。

五言律詩

俱用幾社韻甲戌春夏業

春望

春事滿芳洲。乘閑一倚樓。
蝶翻飛絮下。蛛網落花留。
水色青芳杜。烟光帶淺流。
憑高意還劇。戎馬正中州。

對嬰

新語啾啾滑。關關不待催。
把柑成酒國。倩柳作歌臺。
緩語故傳媚。蠻言似帶詼。
綠窓有思婦。入耳是愁媒。

夜步

遠樹帶烟肥。薄涼生。紵衣雲中。星影慘霧裏。山光微苔蘚。滑荒徑。薜蘿迷竹扉。閒行不怯遠。飛螢出織輝。

夜眺

清宵肅天宇。尋月穿孤林。風零學曾點。傲世思屈翁。野曠星影小。山淡烟色深。極目遠塵境。擴然開吾襟。

行樂詞

弱歲聞文墨。臺省執機宜。萬里市良馬。千金買名姬。蒟筍出夜郎。葡萄來月氏。所意百相愜。無復縈心思。

其二

輕俠莫予雄。權傾宮省中。飾屏方琢玉。實爵不須銅。歌奏前溪綠。舞驚芳樹紅。門前列車馬。納賄及奴童。

其三

徑竇媿卑諂。幽閒且潔身。種花招逸客。釀酒醉同

人高論目欺古清吟句得新飛花列三徑來往日
迎賓。

憫亂

擾擾橫征塵荷戈驅市人封疆歲非舊戰骨日更
新東海未革面南滇又不臣九州神禹治一半欲
荆榛。

感秋

草冷哀寒蟄庭空足晚涼葉聲驚隕雨雲意苦釀
霜登樓感王粲入徑惟裴羊碧月光何淡開簾得

渺茫

雨

寒雲逼蒼旻。黯色連無涯。餘花留濕慘。濃樹滯陰。
賒。渺渺烟將遠。霏霏風影斜。朝來露晴態。隙處炳
纖霞。

宿野市

荒村已日暮。魚米來喧聲。吳倉亦古茂。慰問知將
迎。小酌卧蓬窓。不眠生客情。何日故園歸。雙柑聽
流鶯。

曉入西湖

山峻迎日蚤微紅。已在巒烟光。棲樹密霞影浴波。
寒漁唱驚宿鴈。草舫沖平瀾。望裏得朱樓。有人憑
欄杆。

雨湖

宿霧態痴肥。四山青影微。波驕如欲奮。雲橫不知
歸。白滿覺天失墨。深疑樹非漁歌風怒和。迢遞出
烟圍。

七言律詩

甲戌用幾社韻

感懷

一窓屈首事丹黃。未肯依人作短長。快裏平章飛
雨露。笑中衡鑑隕冰霜。十年遼海關心夢。數卷圖
書作客裝。擬捉輕舟遍五嶽。不將三策對賢良。

其二

幾年戎馬震邊州。鼓角喧喧咽戍樓。虎士枕戈愁
薄暮。貂璫建節董防秋。覃恩時見頒金繒。使過
還聞出繫囚。米粟十年兵百萬。阿誰爲國靜羶

襄

其三

東海鯨鯢已肅清。潢池豺虎復崢嶸。人民悲逐草。
管盡城邑驚。聞魯稿輕三晉。荆榛幾滿境。兩川草
木欲成兵。憑誰十萬橫磨劍。亟爲君王一剪平。

其四

封事朝飛白簡霜。鴛鴦未許得翱翔。一麾共惜成
遷客。三木還驚似撞郎。甕裏醯雞思躍冶。澗邊幽
草與回腸。十年書劍徒爲爾。悔不相從俠少傷。

其五

一夕驚傳海上烽。烟中帆影得重重。兵稀戍月無
堅壘。賊劇乘風擁大艚。血戰舟檣波裏盡。輸忱米
粟夜來供。周瑜赤壁當年事。下策誰云是火攻。

傷春

羣飛翡翠柳成堤。柔綠翻空紅影迷。草濕烟光明
似染。花殘風緊落如擠。大堤杳杳來絃奏。絕塞轟
轟動鼓鞀。何日時平息。征繕田夫兼力事。田畦。

雪

七律

二

素影離離勞化工。綠楊三月老隋宮。瑤光映壁全
疑月。珠顆粘窓半是風。凍合郊原成浩蕩。質因鑿
岫得玲瓏。一卮獨向瓊樓醉。寒壓鸛裘肯放空。

初夏感懷

小汀時出種菱舟。水漲風高菱葉愁。桑柘陰空蠶
欲了。耕耘力盡產如郵。繅絲花影自開落。布谷鳥
聲空應求。我欲爲書達農部。莫將徵歛作奇籌。

其二

簡叔介下第

山色全埋綠樹中。雨餘澗水急分淙。乘流我已甘

淪汨破浪君猶悵未通。下玉三投珍尚秘。韓雲五色眼多青。藕花蘆葉南屏下。準擬同君一再逢。

池上寒月

素心喜與月相期。一片清光出樹枝。光合蘆花成慘色。靜連波影作涼思。蒲葵不用頻揮扇。竹葉何妨數滿卮。坐久碧苔滿清露。暗蛩唧唧不勝悲。

廢苑

樓閣驚看非昔時。畫簾收處網蛛絲。苔緣破壁遶巡上。鳥入虛窓自在窺。廢沼陰晴雲影度。空堦明。

暗月光移當年知客應何是癡病今來不可醫

野坐

葉盡長林獻小丘。層雲亂剪積如愁。尋山豈是泉
石癖。入世驚聞清濁流。一榻輕陰月初晏。半窓清
靄霧將收。有懷悒悒寡同調。喜有疎鐘來戍樓。

埜泊

心切歸期一計程。孤懷苦惡倩誰傾。新蘆喜是有
柔態。老樹爲憐無俗情。日落月從前浦上。水寒烟
傍淺洲生。村醪獨酌不辭醉。一醉不知愁悶縈。

送劉心蓼師歸楚

老大深慙擁雁羣。依劉欣拜郢人斤。香沾雞舌陪
荀座。文識龍雕挹郇雲。紫氣欲隨湘水遠。清芬猶
是澤蘭煇。一錢愧乏臨岐贈。剩有丹忱似夕曛。

其二

年餘孤鶴混雞羣。修月何人運斧斤。桃李江南新
雨露。蛟龍池畔隔風雲。夢餘楚岫當年色。望裏湘
蘿舊日煮怪。是驪歌不堪聽。柳陰斜照又成曛。

五言排律

甲戌夏

病鸚鵡

嗟彼雲霄質。傷爲耳目資。雄心碧綠盡。側眼青天
歎。飲啄羞稍梁。清言學嬰兒。羈栖天真琢。躑躅全
神虧。氣短語蹇滯。愁深行儻儻。翠衣憔悴荷。芰朱喙。
輕。胭脂翎。敗梳易落。翼奮知何時。異彩世共妬。奇
音人爭訾。江夏隕冤血。馬嵬泣橫尸。枯落每相乘。
虧盈何足悲。

七言排律

甲戌夏

江邦玉貽我草堂集且期我同遊苦熱未能
也偶批閱聊書此相贈

山靈緘勝俟研搜。逸客耽奇急計求。千載桃源成
快事。一時松社得同儔。溪山有主烟雲麗。花竹因
人景色幽。夾道奇葩飄玉蝶。成林老幹舞蒼蚪。橋
橫寒湍珠驚濺。漱雪橋泉蓄清陰。翠菡浮蓄翠泉
麋鹿欲隨柴柵遠。鹿藩峯巒待倩竹扉收。肩岫一
軒疎篠濤聲壯。竹浪居半榻空王幻跡勾。空蘊庵

好夢幾勞啼鳥喚。香夢窩芒屨喜並晚雲休。掛履

簪簪韻添高髻。烟凝秀。雲髻軒栖穩危松鶴與謀。巢

松閣綠樹染雲春寂寂。雲肆青山當戶意悠悠。悠

然見南山齋月穿寒窟宜延竚。卻月廊水泛清瀾

可逗遛。留麻橋筆研且將澆塊壘。溪硯溪泚筆壘

谿山直欲醉高樓。醉山樓五噫快有知心侶。偕隱

一壑歡艤不繫舟。藏山舫豈爲餐霞病泉石。故將

豪興寄滄洲。霞外亭牙籤四壁高朋共。玉酪千杯

好客醉。鋤荷深岩問蘭菊。詩搜險韻傲應劉。終南

徑捷初無意金谷豪奢亦所羞。刷翼暫從巢許駕。
壯懷應具范韓籌。守株愧我同僉父。選勝多君擅
快遊。佳約新秋神已往。放言聊作野人謳。

五言絕句

甲戌春夏

少年

金勒鞚青驄。珠囊插角弓。彩裾翻五色。搖漾任春風。

其二

挾客五陵游。揮金醉畫樓。丈夫尚意氣。肯惜子期頭。

大堤女

渡口晚風急。不定翻羅襦。向水弄月明。入手皆成。

珠。

其二

連袂踏青莎。避人翻笑多。碧苔有微痕。知是纖趾過。

綠墀怨

下堦摘芳草。妨他玉輦來。芳草日縱橫。妾心何日開。

其二

玉堦蔽春草。銅溝瀉殘紅。君心倘如水。屈曲自相。

通

古怨詞

疑
遠行有郎跡。香閨無妾心。郎歡嫌日短。妾愁驚歲深。

讀趙淵子子夜秋歌隨作

暗風襲羅帷。隙月窺窻紗。濃夢破纖聲。金釵枕邊斜。

讀江邦玉橫山草堂集因韻成三十首

漱雪橋

簌簌宜人聽。不藉嚴寒生。疑似霸橋上。六花飛送迎。

蓄翠泉

漱流聊自掬。驚破翠一簇。落月漾寒潭。黃鸝在深竹。

鹿籬

結籬因深竹。竹盡無纖塵。一任寒籬外。日夕游野麇。

扁岫

何事青山畔。遙遙着短扉。却疑新翠色。猶向世間飛。

竹浪居

風怒勁綠柔。上下從飄流。一檻蒼翠間。寒濤漾虛舟。

空蘊庵

一龕遠塵俗。羈鳥離樊籠。坐久更相習。豁然心境空。

香夢窩

栩栩莊生蝶。尋花不辭遠。春風欺夢酣。蘭帷數舒卷。

掛屐寮

荒徑誰來往。裘羊是故知。息機聊此地。聯句出精思。

雲髻軒

牆短不掩山。離離出翠鬟。莫教親竹浪。慙使竹成斑。

巢松閣

危檻倚驚風。輕烟日夕封。一編留翠色。窗外冷青松。

雲肆

已作雲山主。山雲自入室。來往不歸山。澗落生花筆。

悠然見南山齋

侵曉步閑庭。輕烟開遠屏。應是夜來雨。鬱鬱呈新青。

留驛橋

五絕

石欄橫澗谷。水定清如玉。我興在枕流。一濯滄浪足。

卻月廊

晚烟凝石窟。窟小隔明月。候月竚迴廊。不得遽飛越。

浴硯溪

澄水無餘霽。墨花浮香雲。冉冉隨流波。黯黯欲成雯。

泚筆壘

初舟居何必水山寶出輕舸昨夜松風急忽成窗外
濤

霞外亭

天際一亭標山巒盡失高朱霞入呼吸指顧興偏
豪

綠香亭

山空梧竹滿黯色來幽竒何必種蘭芷清芬入座
彌

逸林

松杉偶閑閑。頓出風塵裏。婆娑影亦閑。稽阮結知已。

艷雪室

春風撲簷牙。几席糝飛雪。賴有光香在。入眼頓能別。

豹躍泉

金莖不易求。誰解相如渴。疏鑿借瓜牙。石麟泉流活。

卷綃閣

新雨織清夜。樓前落纖縞。紆迴不得下。驚風故相
擣。

蔓櫚

闢境入深奧。覆簷花竹窈。恍惚乘烟霞。繚繞出林
杪。

香霞軒

一砌炫明霞。雕瓊幻作花。願携傾國色。相與開妍
華。

擁書樓

放懷傲今古。着眼問溪山。南面應同樂。吁嗟故紙間。

玉峽泉

足練出寒山。白石映偏泚。尺水具大觀。瞿塘想應似。

釣麓巖

暫此寄經綸。疑來綠木笑。巨鰲如蓬山。也逐任公釣。

六言絕句

甲戌夏

雨窗靜坐

飲泣花消艷色。含珠竹短清音。雲影徘徊不度。撲簷猶滯濃陰。

花下簡書

攤卷滿前逸韵。舉頭無限奇香。坐久落英風撼。飄來助我丹黃。

溪頭試茶

小摘驚雷嫩葉。汲來噴雪新流。點就松聲檜韵。盧

全兩腋風颺。

雲際埋峰

急雨猛驅嵐氣。朝曦未散輕烟。望裡新青何處茫。
茫地與天連。

松顛漏月

陰密不留纖罅。奇光巧出餘明。落處珠圓玦碎痕。
移鶴夢初驚。

梨魂泣露

曉起花光逾麗。夜深誰濯妖妍。點點落來清淚幽。

姿應在愁邊

偶閱江邦玉詞兄橫山草堂詩率爾而作

七言絕句

俱用畿社韵 甲戌春夏

柳枝詞

烟靄沉沉永碧綃。輕風恰恰試纖腰。金衣來往不相戀。瑩瑩青眼啼春宵。

其二

煦煦風日促初眠。整點妖妍耀靜川。一樹淡黃猶未褪。東皇巧爲著金鈿。

其三

乍染輕黃態色嬌。俄驚柔白殢青條。嫌他羌笛思

摧折故把春情寄玉簫。

其四

邗水潯江故擅名。泣烟啼露慣牽情。嬌柔不帶人間骨。飛燕應輸掌上輕。

西湖漫興

紅葉綉山山已秋。美人倩服倚高樓。凭闌不語復不去。應爲秋山生宿愁。

其二

垂楊濕雨着堤平。荇藻青青色倍明。灘上鷗鵲梳。

羽歇因風求友出聲聲。

其三

淡煙浮碧四山春。一水清清欲鑑人。桃李滿堤開錦陣。天爲西子助精神。

其四

春事闌珊莫教虛。乘閒偶爾入幽居。一庭花木來新意。應是成都女較書。

其五

烟散初晴一望空。堤頭隱隱出新紅。江頭草色長

肥綠得到知春春已中。

秋曉

一帶疎林出遠空。樹梢減却夜來紅。凭闌似怯西風緊。黃葉飄飄盡向東。

其二

一夜寒山氣色更。遠湖得向樹林明。栖鴉應苦霜威勁。暗裡驚傳窗外聲。

夜泊

小橋流綠去潺湲。渴憶金莖煮石泉。燈火沉沉舟

子寂竹梢浮月淨娟娟

宮詞

君王昭儉恤江南綺縠宮中久未諧
三浣莫教誇上世機杼直欲廢吳蚕

其二

四方灾旱側君心諫草披繙及夜深
游宴不頻臨幸少宮中時冷管絃聲

其三

沉沉漏盡曉光纔入直頻勤中使催
魚鑰已開來

劍佩翠華將欲幸平臺。

其四

昭容紫袖捧除書。橫玉冠貂拜起徐。節鉞借將邊塞去。莫教文士笑迂疎。

其五

淡染湘山卸艷妝。深宮夜靜只焚香。君王不遇稱明聖。賤妾期爲主德將。

擬豔

輕綺飄飄鳳尾驚。臉痕醉玉齒苔明。醉裡弄琴纖

指怯金徽錯按不成聲

偶憶

愁妝媚意向誰施。盡付閒庭獨竚時。記得去年明月夜。一雙花下影參差。

其二

月華一點逼孤帷。猶剔殘膏賦小詞。幽意旅情俱杳杳。待憑隻字寄教知。

詩餘

甲戌夏

雨中花

梧月

秋空雲淡飄輕縠。閒庭幾聲疎竹。早迸裂霞綃。
冲分柳障一點中天獨。搖曳堦前幾樹綠。逞濃
陰。故遮團玉。看葉轉珠流。枝橫玦碎。鬱鬱成幽谷。

虞美人

柳烟

粒粒微黃金粟小。也向東風嫋。乳鸚睡足不能流。
剩有彎彎殘月樹梢攏。輕綃一抹渾無賴。掩映
初描黛。沉沉浮綠暗平垓。不勝露濕弱榦。掃蒼苔。

玉樓春

惜雨

翠梢初放。疑烟霧。密葉陰陰隔風露。障月未許明。
黃昏。滯雨。偏教。喧薄暮。幽閨思婦悶無那。似怯
堦前暗相訴。聲聲傳响徹清宵。硬惹殘雲不教過。
踏莎行

微露

濯霧生妍。洗烟出艷。盈盈不讓芙蓉面。翠綃斜拂
玉欄杆。欲落腰肢鷓鴣亂。酒疑愁低垂似眷。
不堪。又是。東風。搗長門。寂寂鎖春寒。紅顏濕處偏
生羨。

如夢令 採茶

昨夜前山雷驟隣。伴携筐相候。莫便艷春衫。怕有露痕沾袖。湮透。湮透。春早驚芽還瘦。

其二 映山紅

一逕新紅如逗。點綴春山森秀。點點落緋霞。知是隔林偏茂。是否。是否。清事摘花浸酒。

其三 尋蘭

幾處霜紅迎睇。幾點黃花交砌。何處得幽姿。爲我山房添趣。香起。香起。恰與狂夫心契。

以上七首用江邦玉題并韵